



Broj: 02-19-5486/24-1
Mostar, 05.04.2024. godine

Na osnovu člana 43. Statuta Grada Mostara („Službeni glasnik Grada Mostara“, broj 4/04) i („Službeni glasnik Grada Mostara“, broj 8/09 i 15/10), i Programa rada Gradskog vijeća Grada Mostara za 2024. godinu, a u skladu sa budžetskim sredstvima namijenjenih za podršku povratka na području Grada Mostara, Grad Mostar - gradonačelnik objavljuje:

JAVNI POZIV

raseljenim osobama i povratnicima, vlasnicima imovine na području Grada Mostara, za podnošenje prijave za dodjelu donacija u građevinskom materijalu

I.

Predviđena budžetska sredstva za podršku povratku na području Grada Mostara za 2024. godinu iznose 90.000,00 KM. Izbor korisnika odnosi se na dodjelu 30 donacija u građevinskom materijalu vrijednosti do 3.000,00 KM, čijom bi se ugradnjom, od strane vlasnika nekretnine, stekli minimalni uslovi za stanovanje ili poboljšali postojeći uslovi stanovanja a u skladu sa utvrđenim standardima.

II.

Rok za podnošenje zahtjeva je **20 dana** od dana objavljivanja Javnog poziva u dnevnoj štampi.

III.

Prijava za dodjelu donacija u građevinskom materijalu sa popunjenim obrascem prijave/izjave i pratećom dokumentacijom kojom se dokazuje ispunjavanje svih općih i posebnih kriterija, dostaviti na protokol Grada Mostara svakim radnim danom od 8:30 do 13:00 sati, ili poštom na adresu: Grad Mostar, ulica Adema Buća br.19, 88000 Mostar, sa naznakom „**ZA JAVNI POZIV raseljenim osobama i povratnicima, vlasnicima imovine na području Grada Mostara, za podnošenje zahtjeva za dodjelu donacija u građevinskom materijalu – NE OTVARATI**“.

IV.

Kandidati koji podnose zahtjev za dodjelu donacije obavezni su uz zahtjev priložiti dokumentaciju iz općih kriterija propisanih Zakonom o raseljenim osobama i povratnicima u Federaciji BiH i izbjeglicama iz BiH i Uputstva o načinu i procedurama odabira korisnika projekata povratka i rekonstrukcije stambenih jedinica („Službeni glasnik BiH“, broj: 48/06),

Opći kriteriji za utvrđivanje potencijalnih korisnika prava pomoći u rekonstrukciji stambenih jedinica su:

1. da je raseljena osoba ili povratnik (rješenje o statusu raseljene osobe, uvjerenje o statusu povratnika izdat od nadležne gradske službe);
2. da je raseljena osoba iskazala namjeru za povratkom (prijava o dobrovoljnom povratku ili izjava podnosioca iz obrasca prijave);
3. da je utvrđen status vlasništva ili stanarsko pravo nad stambenom jedinicom koja je predmet rekonstrukcije (ZK ili posjedovni list, ne stariji od 6 mjeseci);
4. da je na dan 30.04.1991.godine imao prebivalište u stambenoj jedinici koja je predmet rekonstrukcije (uvjerenje iz MUP-a);
5. da se stambena jedinica koja je predmet rekonstrukcije smatra neuslovnom za stanovanje, u skladu sa odgovarajućim standardima o minimumu stambenih uslova (izjava podnosioca iz obrasca prijave);
6. da on i članovi njegovog domaćinstva iz 1991. godine nemaju na teritoriji BiH drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova (izjava podnosioca iz obrasca prijave);
7. da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova (izjava podnosioca iz obrasca prijave).

Pored navedene dokumentacije iz općih kriterija (originali ili ovjerene kopije) uz zahtjev neophodno je priložiti i sljedeće dokumente: **kućnu listu, kopije ličnih/osobnih karata, CIPS prijave adrese za sve punoljetne članove – na adresama kuće/stana za koje se traži donacija a rodne listove za sve maloljetne članove porodice i dokaze iz posebnih kriterija koje dokazuju pripadnost ranjivim kategorijama (porodice poginulih, RVI, teže hronične ili druga oboljenja)**

Obrazac zahtjeva se može preuzeti na protokolu Grada Mostara ili u nadležnoj gradskoj službi za pitanja raseljenih osoba, povratnika i izbjeglica.

V.

Komisija, koju je imenovao gradonačelnik Grada Mostara, izvršit će odabir korisnika koji ispunjavaju opće kriterije, te nakon obilaska i uvida u stanje stambenih jedinica i potreba na terenu, sačiniti listu potencijalnih korisnika donacija.

VI.

Rok za donošenje liste korisnika koji ispunjavaju opće kriterije je 30 dana od isteka roka od podnošenje zahtjeva. Komisija će nakon evaluacije zahtjeva, obilaska i uvida u stanje stambenih jedinica podnosioca zahtjeva koji ispunjavaju opće kriterije, napraviti listu potencijalnih korisnika donacije.

Komisija zadržava pravo da vrši provjere zahtjeva kandidata, koji su ranije dobili donaciju od strane Uprave za prognanike HNK/Ž-a, Federalnog ministarstva raseljenih osoba i izbjeglica ili drugih nevladinih organizacija.

Rok za podnošenje prigovora na potencijalnu listu korisnika donacije je 15 dana od dana objavljivanja preliminarne liste na oglasnoj ploči Grada Mostara, a podnosi se gradonačelniku Grada Mostara, putem Komisije.

Rezultati konačnog odabira korisnika donacije bit će objavljeni na oglasnoj ploči Grada Mostara.

Gradonačelnik

Mario Kordić